



Inatsisartunut ilaasortaq Henrik Fleischer, Siumut  
Maani/

### § 37 naapertorlugu apeqquteqaammut nr. 219-imut akissut

Inatsisartut suleriaasissaanni § 37-mi imm. 1 naapertorlugu Naalakkersuisunut saarullit-tassiissutinik tunngasumik apeqquteqarsimavutit. Apeqqutit suliaasaqarfigisannit akine-qartussanngorlugit innersuunneqarput.

Naalakkersuisunut apeqqutit imaapput:

1. Ukiuni kingullerni nunatta kangiaata imartaani saarullittassat Savalimmiu-nut tunniunneqartartut amerliartupiloornerat sunik tunngaveqarpa?
2. Isumaqatiginninniarnernit tunngaveqarpata suut qanorlu amerlatigisut nunatta Savalimmiut Imartaani aalisagartassarai?

1-imut aamma 2-mut akissutit):


Siullermik erseqqissaassutigissavara Savalimmiunut aalisagartassanik tunniussisoqartanngimmat, kisiannilu ukiut tamaasa tunngaviusumik aalisarneq pillugu isumaqatigiissut aallaavigalugu illuatungeriilluni aalisagartassanik paarlaasseqatigiittoqartarmat.

Apeqqutigisannut tunngatillugu tunuliaqutaa tassaavoq ukiuni kingulliunerusuni saarullernanut pisassiissutinik annertuunik paarlaasseqatigiissimagatta. Taamaalliluta 2018-imi Savalimmiunit 16.000 tonsinik pisassaarpugut, taakkulu saniatigut Savalimmiut imartaani NEAFC-mit 7.515 tonsinik pisassiissutit aalisarsinnaallutigit. Taamaalliluni Kalaallit Nunaat Savalimmiut imartaani 23.515 tonsinik katillugit saarullernar-tassinneqarpoq. Savalimmiunut isumaqatigiissutit ataatsimut ima pisassiissutinik ilaqarput:

Aalisakkat	Kalaallit Nunaat Savalimmiuni (tons)	Savalimmiut Kalaallit Nunaanni (tons)
Saarullernat	16.000	
	7.515 (NEAFC-imut pisassiissutinit pisarineqarsinnaasut)	
Ammassassuit	2.500	
Qalerallit (Kitaata avannaani)		100
Qalerallit (Tunumi)		325
Saarullit (Tunumi)		1.425
Tinguttuut (Tunumi)		475
Saattussat (Tunumi)		500

Pisassiissutininik paarlaateqatigiilluni ukiumut isumaqatigiissusiortoqartarpoq, aalisakkat allallu aalisarneqarsinnaaneri kiisalu aalisakkat niuerutigineqarneranni maanna nalingi aallaavigalugit.

Inussiarnersumik inuulluaqqusillunga



Erik Jensen

Aalisarnermut, Piniarnermut Nunalerinermullu Naalakkersuisoq

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquq:**

- 1. Ukiuni kingullerni nunatta kangiata imartaani saarullittassat Savalimmiunut tunniunneqartartut amerliartupiloornerat sunik tunngaveqarpa?**
- 2. Isumaqatiginninniarnernit tunngaveqarpata suut qanorlu amerlatigisut nunatta Savalimmiut imartaani aalisagartassarai?**

(Inatsisartuni ilaasortaq Henrik Fleischer, Siumut)

**Tunngavilersuutit:**

Ukiuni kingullerni saarullittassat sukkasuumik amerliartortillugit nunatta savalimmiunut tunup imartaani pisisassanngorlugit pisassiissutigisarai misissorneqarsinnaavoq. Taamaattumik soqutigaara paasissallugu 1400tons sinnerlugit pisassiinerit qanoq nunatta iluaqutiginerai.

Kissaatigaara apeqquteqaatiga ullut suliffiusut 10 ingerlanerani akineqassasoq.